

前輩有欲補詩史一字之闕終莫適其
當者夫發言寓意未必惟一字之工或
者窮思畢慮之弗逮人才相去乃爾遠
耶

太守山陰陸先生劍南之作傳天下眉
山蘇君林收拾尤富適官屬邑欲錄本
爲此邦盛事迺以纂次屬師尹亦旣斂
衽肅觀則浩渺閎肆莫測津涯掩卷太
息者久之獨念吾儕日從事先生之
門間有疑闕自公餘可以從容質正幸
來者見斯文大全用是不敢辭劍南詩
稿六百九十四首續稿三百七十七首
蘇君於集外得一千四百五十三首凡
二千五百二十四首又□七首釐爲□
十卷總曰劍南因其舊也文字傳襲失
真類不滿意其如此書得之所見有

以傳信而無疑若夫發乎情性充乎天
地見乎事業忠憤感激憂思深遠一念
不忘

君先生之志且有當世巨公爲之發
揮非師尹敢任淳熙十有四年臘月幾
望門人迪功郎監嚴州在城都稅務括
蒼鄭師尹謹書

宋板翻雕

劍南詩稿目錄
卷第一

別曾學士 送仲高兄官學秩滿赴行在 題
閬中 中漂水東車園亭 和陳魯山十詩以孟
夏草木長遠屋樹扶疎爲韻十首 看梅絕句
五首 春晚簡陳魯山 寄酬曾學士學宛陵
先生體比得書云所寓廣教僧舍有陸子泉每
對之輒奉懷 夜讀兵書 二月二十四日作
送曾學士赴行在 霽夜觀月 新夏感事
留題雲門草堂 送韓梓秀才十八韻 送
陳德邵宮教赴行在 二十韻 朱子雲園中觀
花 酬妙湛閣梨見贈妙湛能棋其師璘公蓋
嘗與先君遊云 次韻魯山新居絕句二首 寄
陳魯山二首 戲題江心寺僧房壁 泛瑞安
江風濤貼然 平陽縣舍梅花 渡浮橋至南
臺 出縣 還縣 雨晴遊洞宮山天慶觀坐
間復雨 寄陳魯山正字 航海 海中醉題
時雷雨初霽天水相接也 溪行二首 自來
福州詩酒殆廢北歸始稍稍復飲至永嘉括蒼
無日不醉詩亦屢作此事不可不記也 東陽
道中 東陽觀醮醺 送李德遠寺丞奉祠歸
臨川 送王嘉叟編修出仕南昌 送王龜齡
著作赴會稽大宗丞二首 送杜起莘殿院出
守遂寧 和曾待制遊兩山三首 雨中出遊
夜歸 謝李平叔郎中問疾 聞武均州報已
復西京 喜小兒輩到行在 病起寄曾原伯
兄弟 送湯岐公鎮會稽 周洪道學士許折
贈館中海棠以詩督之 送七兄赴揚州帥幕
閏二月二十日遊西湖 劉太尉挽歌辭二
首 過林黃中食柑子有感學宛陵先生體
玉牒所迎駕望見周洪道舍人 送梁諫議
以石芥送劉韶美禮部劉比釀酒勁甚因以爲

戲二首 出都 曾原伯屢勸居城中而僕方
欲自梅山入雲門今日病酒偶得長句奉寄
村居 看山 夏夜泛舟書所見 秋陰 盆
池 比從人覓酒皆酸薄戲作此詩 買魚二
首 秋雨 晨起偶題 悲秋 寄張真父舍
人二首 幽居 法寶璉師求竹軒詩 欲遊
五峯不果往小詩寄瑩老 謝王彥光提刑見
訪并送茶 送查元章赴慶漕 逍遙 病中
簡仲彌性唐克明蘇訓直 送王景文 送呂
彥升參謀 无咎兄郡齋燕集有詩末章見及
敬次元韻 次韻无咎別後見寄 晚泊慈姥
磯下二首 七月十四夜觀月 夜宿陽山磯
將曉大雨北風甚勁俄傾行三百餘里遂抵雁
翅浦 望江道中 秋夜讀書每以二鼓盡爲
節 住在郡下時與鄭德章兵部同居百官宅
無日不相從僕來佐豫章而德章亦謫高安感
事述懷作歌奉寄 寄答綿州楊齊伯左司
送全州趙都曹 病中作 夜夢從數客雨中
載酒出遊山川城闕極雄麗云長安也因與客
馬上分韻作詩得遊字 去年余佐京口遇王
嘉叟從張魏公督師過焉魏公道免相嘉叟亦
出守莆陽近辱書報魏公已葬衡山感歎不已
因用所遺杜頌亭詩韻奉寄 自詠示客 醉
中歌 寄陶茂安監丞 燒香 寒食臨川道
中 上巳臨川道中 寄別李德遠二首 初
夏道中 示兒子 重五同尹少稷觀江中競
渡 過玉山辱芮國器檢詳留語甚勤因寄此
詩兼呈韓无咎右司 隨意 寄龔實之正言
遊山西村 觀村童戲溪上 雨霽出遊書
事 殘春 家園小酌二首 寄王嘉叟吏部
懷 夜讀隱書有感 上虞逆旅見舊題歲月感
懷 舜廟懷古 題十八學士圖 統分稻晚

歸二首 衰病二首 霜風 小酌 十月苦
蠅二首 了頭巖見周洪道以進士入都日題
字 獨學 霜月 寄黃龍升老 贈進賢劉
令 書室名可齋或問其義作此告之 寄謝
楊齊伯少卿

劍南詩稿卷第一

宋 陸 游 務 觀

別曾學士

兒時聞公名謂在千載前稍長誦公文雅之韓杜編
夜輒夢見公皎若月在天起坐三數息欲見亡繇緣
忽聞高軒過雖喜忘食眠袖書拜驢下此意私自憐
道若九達衢小智妄鑿穿所願瞻德容頑固或少痊
公不謂狂疎屈體與周旋騎氣動原隰霜日明山川
匏繫不得從瞻望抱恨惜畫石或十日刻楮有三年
賤貧未即死聞道期華顛他時得公心敢不知所傳
送仲高兄宮學秩滿赴行在

兄去游東閭才堪直北屏莫憂持蠶晚姑託乞身歸
道義無今古功名有是非臨分出苦語不敢計從違
題閨郎中溧水東臯園亭

省中地禁清晝長侍史深注蠶籠香榮名挽公公不
住東臯歸去栽花忙旣華髮映朱絨同舍半已排
雲翔正如少陵入嚴幕本自不用尚書郎向令封侯
佩金印不然草詔直玉堂萬鍾會作夢幻過三徑空
嘆松菊荒樂天十年履道宅贊皇一夕平泉莊公看
富貴定何物一笑乃復坐此坊東臯樂哉日成趣替
花起舞當自強知公能容賤子狂請賦式微之二章
和陳魯山十詩以孟夏草木長遶屋樹扶疎爲

韻

言語日益工風節顧弗競杞柳爲梧椿此豈真物性
病夫背俗馳梁甫時一詠奈何七尺軀貴賤視趙孟
又

唐虞亦人耳四海可高謝哀哉斗升故詔妄兩遷架
心明物自實能整故能暇會當棄人事面壁度九夏
又

大父昔在朝騰上唯恐早淡然清班中灰寒而木槁

議論主中和人才進耆老至今下馬墳不生刺人草

又 櫻酪事已過角黍配夏熟尚憶少小時綵纈繁腕玉
此生本幻戲衰態轉眼足三郎老無慘始解數絲木

又

門無容車高庭止旋馬廣富貴固易耳正恐卿衛長
時情鏡脂韋家法獨飭饈靜處看紛紛桔槔勞類仰

又

至人貴其身不使事物遶捐身易富貴明珠彈飛鳥
我願稱善人題作墓上表從來尺鷃樂不羨飛鴻矯

又

匆匆過三十夢境日已蹙誰知數亡羊但有喜得鹿
本來作何面認此逆旅屋逢人吹布毛出世不忍獨

又

杜門殊省事百巧輸一粗燒香淨掃地袖手了朝莫
君看瓦甌手端自勝金注塵機早見貸不待雞竿樹

又

萬物備於我本來無欠餘憂儒可憐生西抹復東塗
斯文如大廈傾壞要力扶夫子真鼠輩辛苦賣子虛

又

風花憐寂莫起舞爲我娛舉酒謝風花吾道殊不疎
汝開何自自致落何自無居然會此理吾汝皆如如

又

看梅絕句
梅花宜寒更宜陰摩挲拄杖過溪尋幽香著人索管
領不信如今鐵石心

又 梅花樹下黃茆丘古人尚能愛花不月殘煙深聽牧
笛死生常事不須愁
又 荒陂十畝浴鳬鴨折葦枯蒲寒意深何處得船滿載
酒醉時繫著古梅林

一物不向胃次橫醉中談話坐中傾梅花有情應記
得可惜如今白髮生

又

老子舞時不須拍梅花亂插烏巾香尊前作劇莫相
笑我死諸君思此狂

春晚簡陳魯山

春工我輩人可許不待面欲老更增奇原野紅綠遍
向來苦摧傷零雨難飛霰豈知袖此手天定乃徐見
吾齋萬花間輕衫稱團扇飛花點書冊戲蝶遊几研
吾衰未忘情小句亦情綢持問陳元龍試乞語一轉

寄酬曾學士學宛陵先生體比得書云所寓廣
教僧舍有陸子泉每對之輒奉懷

庭中下乾鵲門外傳遺書小印紅屈蟠兩端黃蠟塗
開城展矮紙滑細疑卵膚首言勞良苦後問逮妻孥
中間勉以仕語意極動渠字如老瘠竹墨淡行疎疎
詩如古鼎篆可愛不可摹快讀醒人意垢癢逢爬梳
細讀味益長炙轂出膏腴行吟坐臥看廢食至日哺
想見落筆時萬象聽指呼亦知題詩處綠井石髮麤
公閑計有客煎茶置風爐倘公無客時濯纓亦足娛
井名本季疵思人理豈無居然及賤子婉謝恩意殊
幾時得從公舊學鋤荒蕪古文講聲形誤字辨魯魚
時時酌井泉露芽奉瓢盂不知公許否因風報何如

夜讀兵書

孤燈耿霜夕窮山讀兵書平生萬里心執戈王前驅
戰死士所有恥復守妻孥成功亦邂逅逆料政自疎
陝澤號飢鴻歲月欺貧儒數息鏡中面安得長膚腴

二月二十四日作

棠梨花開社酒濃南村北村鼓聚聚且祈麥熟得飽
飯敢就穀賤復傷農崖州萬里窺酷吏湖南幾時起
臥龍但願諸賢集廊廟書生窮死勝侯封

送曾學士赴行在

二月侍燕觴紅杏寒未拆四月送入都杏子已可摘

流年不貸人俯仰遂成昔事賢要及時感此我心惻
欲書加餐字寄之西飛詎念公爲民起我得怨乖隔
搖搖跋前旌去去望車軌亭郭鬱將莫落日澹波澤
敢忘國士風涕泣效滅獲敬輸千一慮或取二三策
公歸對延英清問方側席民瘼公所知願言寫肝膈
向來酷吏橫至今有遺孽織羅士破膽白著民碎魄
詔書已屢下宿蠹或未革期公作醫和湯劑窮絡脈
士生恨不用得位忍辭責併乞謝諸賢努力光竹帛
雲重真愁無散時可憐不奈一風吹清輝如此那休
得誰誤虛空作許癡

新夏感事

百花過盡綠陰成漠漠爐香睡晚晴病起兼旬疎把
酒山深四月始聞鶯近傳下詔通言路已卜餘年見
太平聖主不忘初政笑小儒唯有涕縱橫

留題雲門剎堂

小住初爲旬月期二年留滯未應非尋碑野寺雲生
屢送客溪橋雪滿衣親緣硯池餘墨漬臥看爐面散
煙霏他年遊宦應無此早買漁蓑未老歸

送韓梓秀才十八韻

束髮走場屋始得從君遊燈火都城夜風雨湖上秋
追隨不隔日巖壑窮探搜摩挲石屋背搖兀闔門舟
酒酣耳頰熱意氣蓋九州夜臥相踴語狂笑雜嘲謳
但恐富貴逼肯懷貧賤憂人事信難料百戰竟不侯
我老農圃間君落天南陬相逢會稽市感歎歲月遒
君從上都來倘逢舊朋儔我窮本天命於人寧有求
但念侯君房不知尚癡不君聞拊手笑怪我狂未瘳
共談平生舊只欲苦死留如何忽決去病瘳送無由
秋風墜桐葉新霜犯貂裘君聽馬蹄聲中有千里愁
送陳德邵宮教赴行在二十韻

相從何必早白頭或如新登門雖尚疎數面自成親
昨者始見公凜然猶如銀敗席留煮茗寒廳無雜賓

平生事賢意寸心渴生塵樂哉得所從貧病忘吟呻
恭惟大雅姿信是邦國珍廣文舊官長二紀轉鴻鈞
恩仇快報復禍福出笑讎同舍事容悅腰佩玉麒麟
羣諛更得志後來如積薪於時公淡如位屈道則伸
法宮親決事收召極海濱人才方雜沓公仕益凌巡
欲以貴視公公豈慕要津欲以窮託公公豈私賤貧
頗欲述古誼勸公勿愛身此又公所存豈待賤子陳
高輿泊江渚歲晚風雨頻願言添衣裘寒陰能薄人

朱子雲國中觀花

我鬢忽已白君顏非復朱花前一盃酒不樂復何如
莫看枝上花已覺不如早富貴當及時吾輩奈何老
我歌君起舞竟日爲君留安知花無情不解替人愁
長安二三月花滿上林中祝君早得意歸轡聽聰聰

酬妙湛閣梨見贈妙湛能棋其師璘公蓋嘗與

先君遊云

昔侍先君故里時僧中最喜老璘師高標無復鄉人
識妙寄惟應弟子知山店煎茶留小語寺橋看雨待
幽期可人不但詩超絕玉子紋枰又一奇

次韻魯山新居絕句

求得軒車心愧天不如窮死却陶然君曾布衣尚可
活那有日興須萬錢

又

短牆缺處插疎籬巷劣容車堂對陂天下有公殊可
賀坐中著我不妨奇

寄陳魯山陳時調官都下

諸公貴人識面稀胸中璀璨漫珠璣卽今舉手遽西
日應有流塵化素衣舊學極知難少貶吾儕持此欲
安歸夜來風雨空堂靜忽憶燈前語入微

又

天下無虞國論深書生端合老山林平生力學所得
處政要如今不動心舊友幾年猶短褐謫官萬里少
來音願公思此寬羈旅靜勝炎曦豈易侵

戲題江心寺僧房壁

史君千騎駐霜天主簿孤舟冷不眠也與史君同快
意臥聽鼓角大江邊是夕新禾嘉守亦宿此寺
泛瑞安江風濤貼然

俯仰兩青空舟行明鏡中蓬萊定不遠正要一颿風
平陽驛舍梅花

江路輕陰未成雨梅花欲過半沾泥遠來不負東皇
意一絕清詩手自題

度浮橋至南臺

客中多病廢登臨聞說南臺試一尋九軌徐行怒濤
上千艘橫繫大江心寺樓鐘鼓催昏曉墮落雲煙自
古今白髮未除豪氣在醉吹橫笛坐榕陰

出縣

窗內薄領不堪論出宿聊寬久客魂稻壠牛行泥活
活野塘橋壞雨昏昏權籬護藥纔通徑竹覓分泉自
遍村歸計未成留亦好愁腸不用遠吳門

還縣

曙色清和日已長綸巾蕭散意差強飛飛鷗鷺陂塘
綠鬱鬱桑麻風露香南陌東村初過社輕裝小隊似
還鄉哦詩忘却登車去枉是人言作吏忙

雨晴遊洞宮山天慶觀坐間復雨

近水松篁鎖翠微洞天宮殿對清暉快晴似爲酴醾
計急雨還妨燕子飛道士晝閑丹竈冷山童曉出藥
苗肥拂床不用勤留客我因文書自怕歸

寄陳魯山正字

平生交遊中陳子我所敬初猶似豪舉晚乃抱淵靜
獨觀心地初皎若虛室鏡人知自渠事道行君有命
青衫二十年老色上鬢鬢偶然預收召瘦馬趁朝請
退食觀杜門不省求捷徑似聞石渠書雖黃久未定
丁字猶恨曲朋字竟須正願君試思之魚魯何足訂

航海

我不如列子神遊御天風尚應似安石悠然雲海中

以看十幅蒲尊尊若張弓潮來湧銀山忽復磨青銅
飢腸掠船舫大魚舞虛空流落何足道豪氣蕩肺腑
歌罷海動色詩成天改容行矣跨鵬背弭節蓬萊宮
海中醉題時雷雨初霽天水相接也

羈遊那復恨奇觀有南溟漲蹴半空白天浮無盡青
吐吞交日月瀕洞戰雷霆醉後吹橫笛魚龍亦出聽

溪行

篷窗鳴春雨帆蒲掛莫煙買魚尋近市覓火就隣船
愁臥醒還醉難行却復前長年殊可念力盡逆風牽

又

冒雨牽何急爭風力不餘逢人問虛市計日買薪蔬
煙寺高旛出山舍一老鋤枕書醒醉裏短髮不曾梳

自來福州詩酒殆廢北歸始稍稍復飲至永嘉
括蒼無日不醉詩亦屢作此事不可不記也

尊酒如江綠春愁抵草長但令閑一日便撥醉千場
柳弱風禁絮花殘雨漬香客遊還役役心賞竟茫茫

東陽道中

風軟烏帽送輕寒雨點春衫作碎班小吏知人當著
句先安筆硯對溪山

東陽觀醑醺

福州正月把離杯已見醑醺壓架開吳地春寒花漸
晚北歸一路摘香來

送李德遠寺丞奉祠歸臨川

送騎擁東城煙帆如鳥輕道行端有命身隱更須名
肝食煩明主胡沙暗舊京臨分一襟淚不獨爲交情

送王嘉叟編修出佐南昌

玉殿求衣早鸞臺退食遲君看多故日寧是棄言時
小作南州計方觀急詔追歸來上霄漢莫遺此心移

送王龜齡著作赴會稽大宗丞

有越隴千載何人不宦遊向來惟一范真足壯吾州
高躅今誰繼先生獨再留登堂弔興廢想像氣橫秋

又

大將上兵符軍容備掃除恭惟陛下聖方采直臣書
忽報分司去還尋入幕初宗藩雖舊識莫遣得親疎

送杜起莘殿院出守遂寧

羽檄聯翩晝夜馳臣憂顧不在邊陲軍容地密寧當
議陛下恩深不忍欺白簡萬言幾惕哭青編一傳可
前知平生所學今無負未數還鄉兩鬢絲

和曾待制遊兩山

翰林碑立崔嵬上待制詩題杳闕間人天八萬四千
塔便合推爲第一山

右題育王山明月堂

疎鐘迎客到溪亭碧瓦朱欄相照明想得松陰排萬
納籃輿放處恰詩成

右題天章山宿鷺亭

攀石捫蘿到更幽玲瓏咫尺嬾窮搜旁人不曾當時
意爲欠門生作伴遊

右題天章山更幽亭且以未到玲瓏爲恨

雨中出遊夜歸

小雨南山路今朝思出遊難從子規請寧遺竹雞憂
野店寒饒柿煙津晚喚喚舟歸來對燈火未恨溼衣裘

謝李平叔郎中問疾

吏部朝回早幽人病始蘇過門迂問訊軟枕聽傳呼
緣瘦重裁帽因衰學染鬚投詩發公笑試想此形模

聞武均州報已復西京

白髮將軍亦壯哉西京昨夜捷書來胡兒敢作千年
計天意寧知一日回列聖仁恩深雨露中興赦令疾
風雷懸知寒食朝陵使驛路梨花處處開

喜小兒輩到行在

阿綱學書期滿幅阿繪學語驚囀木截竹作馬走不
休小車駕羊聲陸續書窗宛壁誰忍喚嗔呼也復可
憐人却思胡馬飲江水敢道春風無戰塵傳聞賊棄
兩京走列城爭爲朝廷守從今父子見太平花前飲
水勿飲酒

病起寄會原伯兄弟

意象殊非昨筋骸劣自持衰如霜後木愁抵盎中絲
風雪書來少江山夢到遲出門還惘惘倚杖獨移時

送湯岐公鎮會稽

吳越東西州浙江限其中黃旗高十丈大舟凌虛空
都人送留守郡吏迎相公江心波濤壯帳下鼓角雄
樂哉公何憾廷輪則未同永懷前年秋羣胡方嘯兇
閩左發薊北戈船滿山東舊盟顧未解誰敢嬰其鋒
公時立殿上措置極雍容南荒竄驕將京口起元戎
舊勳與宿貴屏氣聽指揮規模一朝定強虜終歸窮
當時謂易耳未見回天功及今始大服咨嗟到兒童
天心佑社稷主聖肖祖宗旌節早來朝笑談折還衝
周洪道學士許折贈館中海棠以詩督之
嬾嬾柔絲不自持更禁日炙與風吹仙家見慣渾閑
事乞與人間看一枝

送七兄赴揚州帥幕

初報邊烽照石頭旋聞胡馬集瓜州諸公誰聽芻蕘
策吾輩空懷嘆故憂急雪打窗心共碎危樓望遠涕
俱流豈知今日淮南路亂絮飛花送客舟

閏二月二十日遊西湖

西湖二月遊人稠鮮車快馬巷無留梨園樂工教坊
優絲竹悲激難清謳追逐逐下上莫始休外雖狂醒樂
則不豈如吾曹淡相求酒肴取具非預謀青梅苦筍
助獻酬意象簡樸足鎮浮尚慚一官自拘囚未免足
馬從兩騶南山老翁亦出遊百錢自挂竹杖頭

劉太尉挽歌辭

羌胡志覆育師放備非常南服更旌節中軍鑄印章
馳書諭燕趙開府冠侯王赫赫今何在門庭冷似霜

又

堅壁臨江日人疑制敵疎安知百萬虜銳盡決旬餘
智出常情表功如定計初云何媚公者不置篋中書
過林黃中食柑子有感學宛陵先生體

博士得黃州甚愛不忍攀持獻太夫人遠附海上船
故山饒氣霧可使酒盃窄豈無荔枝好饜飫恐不攜
相去三千里無異娛旁側乃知母子意更遠未嘗隔
我昨往見君從容弄書冊藥分臘劑香茶泛春芽白
主意顧未厭筐篋自搜索敢謂甘旨餘亦及此下客
霜包纔三四氣可壓千百重是慈孝物不敢吐其核
甘寒雖遠齒悲感已橫臆半生無歡娛初不為涇陽
玉牒所迎駕望見周洪道舍人

送梁諫議

自卜阿橋宅清談喜屢陪今年見騰蹕不恨老氣埃
曉放宮門錦霜影華路槐班同獨小立爲待續數來
湖海還朝白髮生願隨年少事聲名極知憂國人誰
及細看無心語自平歸訪鄉人忘位重乍辭言責覺
身輕籃輿避暑雲門寺應過幽居聽水聲游有老居在
雲門流泉遶屋諫議舊所愛賞

以石芥送劉韶笑禮部劉比讓酒勳甚因以爲

戲

古人重改陽城驛吾輩欣聞石芥名風味可人終骨
硬尊前真見魯諸生

又

長安官酒甜如蜜風月雖佳願舉觴持送盤蔬還會
否與公新釀鬪端方

出都

重入修門甫歲餘又攜琴劍返江湖乾坤浩浩何由
報犬馬區區正自懸緣熟且爲連社客伴來喜對神
堂圖西廂屋了吾真足高枕看雲一事無

曾原伯屢勸居城中而僕方欲自梅山入雲門
今日病酒偶得長句奉寄

借得僧房似釣愁兼旬散髮醉江天酒能作病真如
此窮乃工詩却未然閑似白鷗雖自許健如黃犢已
無緣秋高更欲移家去先葺雲門屋數椽
村居

富貴功名不擬論且浮能艇寄煙村生憎快馬隨鞭
影寧作癡人記劍痕樵牧相諍欲爭席比鄰漸熟約
論婚晨春夜續吾家舊正要遺風付子孫

看山

小葺茆茨紫翠間今年偷得半年閑門前木落須霜
曉且看西南一角山

夏夜泛舟書所見

山房猶復畏炎蒸長掩柴門嬾老僧兩槳去搖東浦
月一龕回望上方燈驚飛宿鳥時呼侶騰起長魚有
脫臂夜半歸來步松影真成赤脚踏層冰

秋陰

陂澤秋容淡郊原曉氣清雨來鳩有語社近燕無情
拄杖扶腰痛漁舟照眼明苦吟緣病輟隨意或詩成
盆池

門外江濤湧雪堆埋盆作沼亦何哉兒曹不解渠翁
意新脫風波嶮處來

比從人覓酒皆酸薄戲作此詩

酒盡聊憑折簡求不知人要博涼州牆隅棄置空三
數露下螢飛奈此秋

買魚

臥沙細肋何由得出水纖鱗却易求一夏與僧同粥
飯朝來破戒醉新秋

又

兩京春著論斤賣江上鱸魚不直錢斫膾擣齏香滿
屋雨窗喚起醉中眠

秋雨

漫道秋來雨那無一日晴只供高枕臥不放小窗明
書冊頻開闔山瓢任濁清長年語世味不是故逃名

晨起偶題

城遠不聞長短更上方鐘鼓自分明幽居不負秋來
睡末路偏諸世上情大事豈堪重破壞窮人難與共
功名風爐歎鉢生涯在且試新寒芋糝羹

悲秋

煙艸凄迷八月秋荒村絡緯戒衣裘道人太欠修行
力平地閑生爾許愁

寄張真父舍人

諸公方袞袞無地著斯人萬里夔州守中朝禁省臣
孤帆秋上峽五馬曉班春想見懷明主登臨白髮新

又

天上紫微省鸞花繞直廬逢時身鼎貴憂國鬢先疎
顛顛元當棄牽聯也得書猶能下榻否擬卜瀼西居

幽居

翳翳桑麻巷幽幽水竹居紉縫一獠婢樵汲兩蠻奴
雨挾清砧急籬懸野蔓枯鄰村有鬻子吾敢數空無

法寶璉師求竹軒詩

南軒竹色映谿光不減吾州五月涼猶恨秋來鷗鷺
少須君更爲築橫塘

欲遊五峯不果住小詩寄壁老

東來恨不見湯休千首清詩儻許求要與茶山燈下
讀莫令侍者作蠅頭茶山人謂曾待制

謝王彥光提刑見訪并送茶

遁英帷幄舊儒臣肯顧荒山野水濱不怕客嘲輕薄
尹要令我識老成人驅同鼓轉東城莫酒列燈香一
笑新遙想解醒頰底物隆興第一壺源春

送查元章赴夔州

柳色西門路看公上馬時亦知非久別不奈自成悲
白髮劉賓客青衫杜拾遺分留端有待剩賦竹枝詞

遣遙

臺省諸公日造朝放慵別駕輒逍遙州如斗大真無
事日抵年長未易消午坐焚香常寂寂晨興署字亦

寥寥時平更喜戈船靜閑看城邊帶雨潮

病中簡仲彌性唐克明蘇訓直

移疾還家暫曲肱依然耐久北窗燈心如澤國春歸
雁身是雲堂日過僧細雨佩壺尋廢寺夕陽下馬弔

荒陵小留莫厭時追逐勝社年來冷欲冰 三君皆有歸志故云

送王景文

張公達如此海內共悲辛逆虜猶遺種皇天奪老臣深知萬言策不愧九原人君近書奏策風雨津亭莫辭君淚滿巾

送呂彥升參謀

楚塞蕭條久宿師參謀承詔上丹墀苦言到口真當發聖度如天莫自疑萬里寄聲長不達一尊相屬豈前期遙憐霜曉朝衣冷深愧江城睡足時

无咎郡齋燕集有詩末章見及敬次元韻

城樓畫角吹晚晴梅花墮地艸欲生綺盤翠杓春滿眼我胡不樂君將行君歸吾黨共增氣往往怪我衰涕橫我來江干交舊少見君不啻河之清北風共愛地爐暖西日同賞油窗明微吟劇醉不知倦坐閱漢牘逾周正君文雄麗擅一世豪傑武庫藏五兵酸寒如我每自笑顧辱刻畫爲虛聲乃知好士如好色遇合不必皆傾城君方與世作水鏡如此過許人將驚千金敝帚有定價周玉鄭鼠難強名失言議罰不可緩敬白府主浮金觥君看失脚踏塵土豈復毫髮餘詩情自傷但似路旁埃雨刺風摧供送迎

次韻无咎別後見寄

平日孟行不解辭長亭況是送君時幾行零落僧窗字何限流傳樂府詩歸思恰如重醞酒歡情略似欲殘棋龍蛇飛動無由見坐塊文園屬思遲詩來彌月乃能和答故云

晚泊慈姥磯下二首

山斷峭崖立江空翠靄生漫多來往客不盡古今情月碎知流急風高覺笛清兒曹笑老子不睡待潮平

又

慈姥磯頭月纖纖照酒盃素秋風露重久客鬢毛催宿鳥驚還定飛螢闔復開平生四方志老去轉悠哉

七月十四夜觀月

不復微雲滓太清浩然風露欲三更開簾一寄平生快萬頃空江著月明

夜宿陽山磯將曉大雨北風甚勁俄頃行三百

餘里遂抵雁翅浦

五更顛風吹急雨倒海翻江洗殘暑白浪如山發入船家人驚怖篙師舞此行十日苦滯留我亦蘆葦艭鳴榔書生快意輕性命十丈蒲帆百夫舉星馳電騖三百里坡隴聯翩離平楚船頭風浪聲愈厲助以長笛橫鼙鼓豈惟澎湃震山嶽直恐顛洞連后土起看草木盡南靡水鳥號鳴集洲渚稽首龍公謝風伯區區未禱煩神許應知老去負壯心戲遣窮途出豪語

望江道中

吾道非邪來曠野江濤如此去何之起隨烏鵲初翻後宿及牛羊欲下時風力漸添帆力健騰聲常雜雁聲悲晚來又入淮南路紅樹青山合有詩

秋夜讀書每以二鼓盡爲節

腐儒碌碌數無奇獨喜遺編不我欺白髮無情侵老境青燈有味似兒時高梧策策傳寒意疊鼓繁繁迫睡期秋夜漸長飢作祟一盃山藥進瓊糜

住在都下時與鄒德章兵部同居百官宅無日不相從僕來佐豫章而德章亦謫高安感事述懷作歌奉寄

懷作歌奉寄

巷南巷北秋月明東家西家讀書聲官閑出局各無事冷落往往思同盟出門相尋索一笑亦或邂逅因俱行黃中掀髯語激烈韶美堅坐書縱橫子充清言喜置酒赤梨綠柿相扶檠寒燈耿耿地爐暖宮門風順聞疎更故交一作霜葉散外物已付秋毫輕兩窮相遭世果有我與鄒子俱南征豫章高安本一郡挂帆起拖無三程簿書衰衰不少借懷抱鬱鬱何由傾明年君歸我亦去早卜三畝開柴荆軟紅舊路莫重蹋二升脫粟同煨鑪

寄答綿州楊齊伯左司

磊落人爲磊落州，滕王閣望越王樓。欲憑夢去直虛語，賴有詩來寬旅愁。我老一官書紙尾，君行千騎試遨頭。遙知小寄平生快，春酒如川炙萬牛。

送全州趙都曹

霜葉無停聲，脂車有行色。正悲南浦秋，又送清湘客。啼飢兒頰紅，待養親髮白。努力事上官，世路日已迫。病中作。

豫章頗大江，氣候頗不令。孟冬風薄人，十室八九病。外寒客肺胃，下溼攻脚脛。俗巫醫不藝，嗚呼安託命。我始屏藥囊，治疾以清靜。幻妄消六塵，虛白全一性。三日體遂輕，成此不戰勝。長年更事多，苦語君試聽。夜夢從數客，雨中載酒出遊山。川城闕極雄麗，云長安也因與客馬上分韻作詩得遊字。

有酒不謀州，能詩自勝侯。但須繩繫日，安用地埋憂。射雉侵星出，看花秉燭遊。殘春杜陵雨，不恨溼貂裘。去年余佐京口，遇王嘉叟從張魏公督師過焉。魏公道免相嘉叟亦出守蒲陽，近辱書報魏公已葬衡山，感歎不已。因用所遺柱頰亭詩韻奉寄。

阿亭擊手共徘徊，萬事寧非有數哉。黃閣相君三黜去，青雲學士一麾來。中原故老知誰在，南嶽新丘共此哀。火冷夜窗聽急雪，相思時取近書開。

自詠示客

衰髮蕭蕭老郡丞，洪州又看上元燈。羞將枉直分尋尺，寧走東西就斗升。吏進飽諸箱紙尾，客來苦勸撲淋棧。歸裝漸理君知否，笑指廬山古澗藤。廬山僧近寄廉叔甚奇。

醉中歌

吾少貧賤真臞儒，食食嗜味老不除。折腰歛版日走趨，歸來聊以醉自娛。長餅巨榼羅盃盂，不須漁翁數三閤。牛尾膏美如凝酥，貓頭輪困欲專車。黃雀萬里

行頭顱白鵝作，昨天下無潯陽糖蟹，徑尺餘。吾州之薄尤嘉蔬珍，盤鉅釘百味俱，不但項鬪與腹腴悠然。一飽自笑，愚顧爲口腹勞形，軀投効行矣。歸園廬莫厭糲飯，嘗黃菹。

寄陶茂安監丞

永州太守鬢毛殘，雙鑠猶能起據鞍。傲士雖思賦松菊，隱居未可挂衣冠。功名夢境元非實，歌舞山城且自寬。也勝鐘陵窮別駕，閉門無客遣憂端。

燒香

茹芝却粒世無方，隨食江湖每自傷。千里一身鳬泛，迨十年萬事海茫茫。春來鄉夢憑誰說，歸去君恩未敢忘。一寸丹心幸無愧，庭空月白夜燒香。

寒食臨川道中

百卉千花了不存，墮飛絮絮看無痕。家人自作清明節，老子來穿綠暗村。日落啼鴉隨野祭，雨餘荒蔓上頽垣。道邊醉飽休相避，作吏堪羞甚乞墦。

上巳臨川道中

二月六夜春水生，陸子初有臨川行。溪深橋斷不得渡，城近臥聞吹角聲。三月三日天氣新，臨川道中愁殺人。纖纖女手桑葉綠，漠漠客舍桐花春。平生怕路如怕虎，幽居不省遊城府。鶴軀苦瘦坐長飢，龜息無聲惟默數。如今自憐還自笑，歛版低心事年少。儒冠未恨終自誤，刀筆最驚非素料。五更耿耿一悽然，夢裏扁舟水接天。紅蕖綠芰梅山下，白塔朱樓禹廟邊。

寄別李德遠

蕭蕭風雨臨川驛，邂逅連床若有期。自起挑燈貪夜話，疾呼索飯療朝飢。皆記前日相從時事，即今明月共千里。已占深林巢一枝，惜別自嫌兒女態。夢騎羸馬度芳陂，憶遠所居名秣陵。

又

李侯不恨世賣友，陸子那須錢買山。出牧君當千里去，歸耕我判一生閑。中原亂後儒風替，黨禁興來士

氣屨復古主盟類老手勉追慶曆數公間

初夏道中

桑間甚熟麥齊腰語怪憶野雉驕日薄人家晒蠶子雨餘山客買魚苗豐年隨處俱堪樂行路終然不自聊獨喜此身強健在又搖團扇著緇蕉

示兒子

父子扶攜返故鄉欣然擊壤詠陶唐墓前自誓寧非隘澤畔行吟未免狂雨潤北窗看洗竹霜清南陌課剝桑秋毫何者非君賜回首修門敢遽忘

重五同尹少稷觀江中競渡

楚人遺俗閱千年簫鼓喧呼鬪畫船風浪如山蛟鰐橫何心此地更爭先

過玉山辱芮國器檢詳留語甚勤因寄此詩兼呈韓无咎右司

遼東歸老白襦尋名字何堪遺世間便謂與公長契闊不知留語故慙慙詩章有便猜應寄疎米無多切莫分舊見檢詳律甚疎故有此戲倘見右司煩說似每因風月愴離羣

隨意

隨意上漁舟幽尋不預謀清溪欣始泛野寺憶前遊豐歲雞豚賤霜天柿栗稠餘生知有幾且置萬端憂寄龔寶之正言

臺省諸公歲歲新平生敬慕獨斯人山林不恨音塵遠夢寐時容笑語親學道皮膚雖脫落憂時肝膽尚輪囷至和嘉祐須公了乞向升平作幸民

遊山西村

莫笑農家臘酒渾豐年留客足雞豚山重水複疑無路柳暗花明又一村簫鼓追隨春社近衣冠簡朴古風存從今若許閑乘月拄杖無時夜叩門

觀村童戲溪上

雨餘溪水掠堤平閑看村童戲晚晴竹馬踉蹌衝淖去紙鸞跋尾挾風鳴三冬暫就儒生學村人惟冬三月

連兒童入小學千耦還從父老耕識字粗堪供賦役不須辛苦慕公卿

雨霽出遊書事

十日苦雨一日晴拂拭拄杖西村行清溝泠泠流水細好風習習吹衣輕四鄰蛙聲已闕閣兩岸柳色爭青青辛夷先開半委地海棠獨立方傾城春工遇物初不擇亦秀燕麥開蕪菁菁花如雪又爛熳百草紅紫那知名小魚誰取置道側細柳穿窺危將烹欣然買放寄吾意草萊無地蘇疲氓

殘春

殘春醉著釣魚菴花雨娛人落半巖豈是天公無皂白獨悲世俗異酸鹹安身似夢行當覺談口如狂未易緘已作沉舟君勿數年來何止閱千帆

家園小酌

旋作園廬指顧成柳陰已復著啼鶯百年更把幾盃酒一月元無三日晴鷗鷺向人殊耐久山林與世本無營小詩漫付兒曹誦不用韓公說有聲

又

滿林春筍生無數竟日鷗鷺來百回衣上塵埃真一洗酒邊懷抱得頻開池魚往者憂奇禍社櫟終然幸散材世事紛紛心本懶閉門豈獨畏嫌猜

寄王嘉叟吏部

宿負煩公議隆寬荷聖時江湖真送老藥餌且扶衰撫事驚年往懷人有夢知敢嗟貧到骨飲水誦君詩嘉叟有漁隱堂詩

夜讀隱書有感

平生志慕白雲鄉俯仰人間每自傷倦鶴摧頽寧望料寒龜蹙縮且支牀力探鴻寶尋奇訣剝采青精試秘方常鄙羅仙老山澤要令仰首看飛翔

上虞逆旅見舊題歲月感懷

昨始爲家東復西今朝破曉下前溪青山缺處月初上孤店開時鷓鴣啼倦枕不成千里夢壞牆閑見十

年題漆國傲吏猶非達物我區區豈足齊

舜廟懷古

雲斷蒼梧竟不歸江邊古廟鎖朱扉山川不爲興亡改風月應憐感慨非孤枕有時驚喚夢斜風無賴客添衣千年回首消磨盡輪輿漁舟送落暉

題十八學士圖

隋日昏曉東南傾雷塘風吹草木腥平時但忌黑色兒不知乃有此鬚生晉陽龍飛雲滄滄關洛萬里即日平東征歸來脫金甲天策開府廷豪英琴書閑暇永清畫簪履光彩明華星高參伊呂列佐命下者才氣猶崢嶸但餘一恨到千載高陽謬公來竄名老奸得志國幾喪李氏誅徒連孤嬰向令亟念履霜戒危亂安得存勾萌衆賢一伎福尚爾掩卷涕淚臨風橫

統分稻晚歸

出裏一簞飯歸收百把禾勤勞解堪忍餘暇更吟哦歲惡增吾困家貧積汝多村醪莫辭醉莫芋學岷我是日作芋羹

又

薄酒不自酌夕陽須汝歸橋包霜後笑豆莢雨中肥路遠應加飯天寒莫減衣老懷憂自切道眼看皆非

衰病

衰病不浪出閉門煙雨中葦花添絮暖葑火試爐紅鄉村耄老誇作火甚妙仕宦燈窗夢功名馬耳風山翁但更事人看作神通

又

病除猶老健雨止得冬晴覓句嗟心在鈔書試眼明朝寒添布褐晚步出柴荆外慕終無益兒曹且力耕

霜風

十月霜風吼屋邊布裘未辦一鉢綿豈惟飢索隣僧米真是寒無坐客甌身老慵歌悲永夜家貧撐拄過凶年丈夫經此寧非福破涕燈前一粲然

小酌

樂著貧猶設杯盂老更耽宗文樹雞欄靈照挈蔬籃徑醉眼花亂高眠鼻息酣覺來寒日晚落葉擁茆菴

十月苦蠅

村北村南打稻忙浮雲吹盡見朝陽不宜便作晴明看撲面飛蠅未退藏

又

十月江南未擁爐癡蠅擾擾莫嫌渠細看豈是堅牢物付與清霜爲掃除

了頭巖見周洪道以進士入都日題字

烏巾白紵踞京塵瑤樹瓊林照路人西省歸來名蓋代兩行墨色尚如新

獨學

師友彫零身白首杜門獨學就誰評秋風棄扇知安命小姓留燈悟養生睡息無聲酣午枕舌根忘味笑晨烹少年妄起功名念豈信身閑心太平黃庭經閑暇無事心太平

霜月

枯草霜花白寒窗月影新驚鴉時繞樹吠犬遠隨人出仕譏銷骨歸耕病滿身世間輪囷兩切莫勸冠巾寄黃龍升老

讀書萬卷裂儒衣黃金可成棄不爲快哉天馬不可羈開口便呼臨濟兒諸方蹴躡莫支持吾州一老偶得之升詞佛智裕公閉門夜付僧伽黎明日聲價羽檄馳弟子不必不如師黃龍所立尤瑰奇空山鬼火號

狐狸築屋千礎食萬縑癡人不解公遊嬉嫉怒欲碎門前碑世衰道喪士自欺山林亦復踐駭機長謠寄公公試思吾輩救此當何施

贈進賢劉令

傳領塵埃裏超然見鳳麟性疎志願忘學大有經綸正論雖頻接高標豈易親向來相識晚吾黨欠斯人

書室名可齋或問其義作此告之

得福常康禍自輕坦然無愧亦無驚平生祕訣今相

付只向君心可處行

寄謝楊齊伯少卿

楊卿人材金百鍊岐公座上初識面十年萬事不須
說猶喜歸來且強健題詩想見初削瓜寄到茆堂已
歸燕辭嚴意密敢輕讀呼兒炷燈重把卷卽今相望
幾千里何日聯聯語忘倦就令有使卽寄書豈如無
事長相見

劍南詩稿卷第一終

劍南詩稿目錄

卷第二

自笑 夜聞松聲有感 十二月一日二首

春日二首 僧房假榻 聞雨 休日有感

題徐子禮宗丞自覺齋 送張叔潛編修造朝

四首 有感 潤松 將赴官夔府書懷 送

芮國器司業二首 春陰 投梁參政 宿楓

橋 晚泊 金山觀日出 吊李翰林墓 雨

中泊趙屯有感 黃州 武昌感事 夜思

哀郢二首 江陵道中作 石首縣雨中繫舟

戲作短歌 初寒 醉歌 秋風 塔子磯

重陽 早寒 公安 沙頭 大寒出江陵西

門 江夏與章冠之遇別後寄贈 題江陵村

店壁 馬上 水亭有懷 移船 將離江陵

六言 江上 旅食 滄難 松滋小酌

晚泊松滋渡口二首 荆門冬夜 繫舟下牢

巽游三游洞二十八韻 三游洞前巖下小潭

水甚奇取以煎茶 扇子峽山腹有草閣小亭

極幽邃意其非俗人居也 蝦蟆碚 黃牛峽

廟 過夷陵適值祈雪與葉使君清飲談括蒼

舊游既行舟中雪作戲成長句奉寄 泊虎頭

難下 過東瀟灘入馬肝峽 新安驛 秭歸

醉中懷都下諸公示坐客 憩歸州光孝寺寺

後有楚冢近歲或發之得寶玉劍佩之類 飲

罷寺門獨立有感 泛溪船至巴東 巴東遇

小雨二首 秋風亭拜寇萊公遺像二首 巴

東令麻白雲亭 謁巫山廟兩廡碑版甚衆皆

言神佐禹開峽之功而詆宋玉高唐賦之妄予

亦賦詩一首 聞猿 瞿唐行 入瞿唐登白

帝廟 登江樓 雪中臥病在告戲作 雪晴

玉笈齋書事二首 記夢 漢西 山寺

蹋磧 寒食 晚晴書事呈同舍 鄉中每以

寒食立夏之間省墳客夔適逢此時懷然感懷

二首 試院春晚 倚闌 自詠 午興 風

雨中望峽口諸山奇甚戲作短歌 夜坐度中

新蔬 初夏懷故山 初夏新晴 定拆號

日喜而有作 睡起 四月二十九日作 苦

熱 拆號前一日作 暴雨 西齋雨後 急

雨 晚晴聞角有感 夏夜起坐南亭達曉不

復寐 夜登白帝城樓懷少陵先生 假日書

事 林亭書事二首 遊臥龍寺 久病灼艾

後獨臥有感 秋晚病起 秋思 一病四十

日天氣遂寒感懷有賦 登城 夔州重陽

追懷曾文清公呈趙教授趙近嘗示詩 謝張

廷老司理錄示山居詩二首 秋晴欲出城以

事不果 南窗 遣興 九月三十日登城門

東望懷然有感 初冬野興 東屯呈同遊諸

公 別王伯高 書驛壁二首 醉中到白崖

而歸 十二月十九日晚巫山送客歸回望西

寺小閣縹緲可愛遂與趙郭二教授同遊抵夜

乃還楚鄉偶得長句呈二君